

Ich ha lang überleit öbis no dörf woge
es grosses Muul z`ha ond ond mini Meinig säge hötzobe
den wie`ner secher wössed hämmer jo
z`Rinike e neus Polizeygsetz übercho

Der Egli nemmt em Bondeshuus der Huet
d`Bärner jubled alli das esch guet
jetz chönne mer ändli tüüf ufschnuufe
er fahrt`is nömme d`Auto über de Huufe

Frühner hämmer er Schwytz 4 Landessproche gha
doch jetz lueg emol be eus die velle Osslönder a
die rede alli e anderi Sproch wenn das so witergoht
chonnt d`Schwyz no es Guinness-Buech vo de Rekord

as esch kei Shampoo ond kei Hoorsprey ond esch au kei Sonnecreme
weder Rassierschuum no Nagellag no Zapasta för Zäh
das esch ich verrots jetz euch ok
de Östricher Schienatzi ere neu Wondersprey

Es esch schlemm was e de Schwyzerhalle z`Basel esch passiert
zo allem ane het au no d`Alarmlag ned fonktioniert
doch statt das d`Sandoz jetze rootlos ehri Hoor düend raufe
chönntez doch bem Brogger Zivilschotz go e Sirene chaufe

De Zörcher Verchehrsdiräkter das esch den en hohle
er het das Johr d`Basler Fasnacht welle nach Zöri hole
weiss denn de Dobel ned henei
das sie z`Zöri s`ganz Johr Fasnacht hei

Em Aargauerhof z`Aarau das gets sosch wohl niene
do duet de Beizer d`Asylante nömm bediene
doch em Bilander ond em Cholehof z`Brogg do eschs no dömmer
do bedienets sogar zitewiis die lheimische nömme

Em Hersche diskotiertmer we d`Leu ohni d`schiniere
em Hasel händ chönne zom Chefig us spaziere
ond fasch die ganzi Nacht em Frey omerenne
wer möchte das dehei ber Alte ned ämol chönne

Duesch ächli d`Gruebe überwache ächli s`Büro verwalte
duesch d`Leferschiene vernechte ond d`Schnööre halte
besch denn no nätt zo de Lüt tuesch nüt derglieche
ond scho besch zweehalb Milione richer

Wenni met minere Fröndin es Bett wot goh
ond em Hersche no gschnell es Pack Pariser uselo
chonnts`mer ame vor we wenni Stockkanonevolle
muess bloose ennere Polizeykontrolle

En Block en Block en huufe Blöck
en Block jä Blöck met veelne Stöck
en Block en Block ich fend das gruusig
gseht Rinike we New-York us em Johr 2000

Die Robby-Dog Chäschte die chan ich ned lobe
well das Loch wo die händ esch vell zwit obe
min Hond de mag bem Stuehle ond bem Seiche
e gottsname ned bes dert ufe breiche

*Der Komedi*⁸⁷

Wänd er me bsueche? Ich be dehei onder „www.komedi.ch“

Die vor Refuna grabe es esch zom gruuse
die grabe ond grabe we chonnt das äch no use
die grabe ond grabe sie chönnd ned höre
bes ofzmole eine rüeft do chonnt jo Ärdöl vöre

Zwösche Bermenstorf ond Freck send d`Strosse wie leer
dor de Bözbärgtunnel rollt jetzt de meischt Verkehr
oh wie domm wenn ich me rächt due bsenne
hanni de Bank ersch e 20 Johr welle bringe

Send ned truurig düend ned met de Träne rengen
wenni kei Bank öber de Khomeiny bringe
sonsch müesst ich nähmli nochär ja
emmer e Groppe Polizeschte om mech ome ha